

道法會元卷之二百二十一



道法會元卷之二百二十一

渭士

神霄遣瘟治病訣法

存變法

未入患家之先
依此存變為妙

先須凝定叩齒念淨天地呪三徧存太虛
寥廓四炁朗清以次念金光呪三徧存天

門金光萬道仰面吸金光吹布一身存金
光洞煥風伯雨師雷公電母狂風驟雨霹
靂交轟前光後暗雷神將帥前後擁護行
如狂風坐如鼎石到病家坐了茶至接下
在手吹炁一口心存雷火燒去鬼毛鬼炁

然後方食但是一應飲食皆宜存變然後食之

造遣瘟神盤法用潔淨菱茅為之
做成小船亦可

先用啓告祖師帥將祝白事意請降恩命
變化外以淨水喫洒神盤呪曰

謂十一

吾今上奉祖師旨命造起千眼神盤造起東
路神盤造起南路神盤造起西路神盤造起
北路神盤造起中路神盤存五路神盤悉
備再以水喫之

向來建造神盤已獲整備謹請五路神光照
開千眼神盤謹勅東路毫光速起謹勅南路

毫光速起謹勅西路毫光速起謹勅北路毫

光速起謹勅中路毫光速起以合明天帝日

子中剔向四方存
五路毫光洞煥

向來開發五路毫光已行完整請起神盤前

赴患身其人病房之中裝送時行瘴氣遣發

瘟部威神送入天津返歸空界庶俾患身安

愈家道清寧瘟風變作祥風疹氣翻成和氣

一如玄科律令急急奉行

却擡神盤赴病房中就作用起水存水泛

漲泛起神盤直入房中放下于患人床前

神盤內用香一爐燈一盞法師同信人捻
香一炷畢即叩齒三通揚聲念

信香一藝雲布十方叩齒三通流光萬里急
準神霄玉清真王長生大帝律令謹伸關白
大符都天總管金容元帥只今準奉

備十一

帝命謹退見患其身前身後今年奉符行病

一切威神三十六候神君七十二候神王十

二年壬十二月將神王二十四炁神王主瘟

聖公監瘟聖母布炁大神發汗大神押瘟太

尉時瘟炁候白虎王神邪巫枉死陣亡妖怪

伏死故炁儻部廟神雲中白虎喪門吊客黃
泉急脚為妖作禍一切神祇隔茶隔飯傳夢
送惟一切鬼神春行病神王夏行病神王秋
行病神王冬行病神王蠻喉瘟魯子瘟天中
蝗螟地中蝗螟幽微黠淡蝗螟黃長脚黃闊
口黃老精黃恨客黃房室女黃伯嬌男黃伯
嬌女以及瀉痢傷寒頭疼寒熱之鬼一切為
殃造禍神司府縣城隍本祭神祇盡皆請上
千眼神盤今有信人某伏為見患某自於今
月某日感受病苦飲食少思醫療罔效日久

未安切恐命限星辰舍次歲曜加臨近憑卜
課云是瘟疫流殃邪神為禍備以千眼神盤
敬伸禮送謹就門首特備粢盛錢馬酒禮之
儀普伸酌餞伏請神威收拾時行瘴炁捲藏
毒藥包箱赦放罪殃寬踈病證咸體好生之

價十一

三

德各生歡悅之心請上神舟解繩放纜務俾
在患其人刻自今晚回送之後精神清爽病
患立痊更勿稽遲有干玄律一如
帝令火急奉行

兆喫水一口雙手起海水訣送神盤出門

首酌餞却以兩手握五黑訣存變乾河漏
海前先後暗閉炁默念

天濛濛地濛濛人濛濛鬼濛濛天黑黑地黑
黑入黑黑鬼黑黑天斷頭地斷頭人斷頭鬼
斷頭天沉沉地沉沉人沉沉鬼沉沉大湖沉
沉小湖沉沉天沉地沉萬里狂風吹塞鬼眼
萬里黑風障斷鬼路人無尋影鬼無尋蹤十
道都關九道都絕急急如律令

存想患家房戶盡爲黑氣所罩密令人推
閉門戶前先後暗悉無所見却就門首祭

設念云

太上立教利濟爲先凡庶投誠熏香是首謹
運真香皈命啓請

洞淵三昧天尊天符令帝都天元帥六臂明
王和瘟教主巨阜靜明真人勸善明覺大師

泗洲大聖傚藥主事主瘟聖公監瘟聖母布
炁大神押瘟太尉五方行瘟聖者十二年王
十二月將三十六神君七十二候聖衆雌雄
白虎神王船頭大王船尾小王引神土地后
土社令神祇城隍本祭廟神儺部神祇本境

之內絕戶枉死山川岩穴精靈妖恠伏屍故
炁依草附木并患人身前身後傳夢送恠隔
茶隔飯爲殃造禍代形替厄一切神威伏望
來臨香座歆享凡儀以今輒備清觴用陳上
獻

謂十一

伏聞大聖奉天符而行令本是化人小民敬
露悃以求憐從而徼福象管繪成新聖像龍
舟飛動現真龍赫赫有靈洋洋來格手不持
於桶杓腰不掛於葫蘆放下蘭橈來吸泗洲
之水收回藥櫃妙融五氣之春諒祭威靈特

旌忱禱無任至恭酒陳初獻

伏以天有顯道本福善而禍淫人無常心每
順邪而棄正既昧操修之理莫逃糾察之司
自外化鈞動生魔障善芽未露非慈風所可
噓生業垢尤深必障雨乃能清靜界之患苦
將以安痊念大道之至仁省微軀之多過噬
臍無及頓首知歸爰淨掃於衡門敬冒陳於
菲供所冀赦愆而宥過庶能解禍以爲祥合
掌動慈容記江頭之好語舉杯壯行色聽水
手之歡呼無任至恭酒陳二獻

伏以化化生生妙一機而不已善善惡惡赴
諸物之自移神之何心人胡不覺切念其愛
河流蕩火宅憂煎顛倒夢想之謂何殺盜淫
貪之自縱言充多於口過罪每逐於心生識
無邊無量之愆叩大慈大悲之聖盧醫巨阜
渭十一
返危脉以向安地煞天符轉慈風而去病巡
海夜叉開海道翻風使者息風波河伯於此
解維江神從而轉舵免夫小子救平生不善
之心告諸大夫領終席散憂之酌無任至恭

酒陳三獻

向來三獻已遂周圓以今奉為某自今某月
某日以來感受病證至今未痊敬伸回送望
賜平安諷誦經文用資神化

諱經

回向

向來諷誦經文已諧周竟所有錢財幡馬用
憑火化上奉衆神以今某伏為某自今回送
之後用祈病患立安年齡延永伏以天作孽
猶可違深沐恩慈而盡釋舟弗濟臭厥載悉
收疫毒以俱安一筵之香酒既終十幅之蒲
帆不住惟願天符聖衆咸依明覺之法言瘟

部諸紳亟奉洞淵之勅旨拾起葫蘆藥杖收
回羽扇湯瓢大家洗脚上船各自小心解纜
座左座右皆曰兒郎船尾船頭儔非聖衆噉
聲擊楫聽語句之非常揚手鳴鑼覩容顏之
難比旗掣波心之電鼓喧水面之雷黃帽卽

厲聲後唱白旗子奉命前驅自然有迎棹之
鴉不必聽桅檣之燕畫船載取瘟災去織爾
無留神鼓催將福祿來欣然有喜在在之江
山護送方方之里社餞行目斷一時恭伸四

句

江頭畫鼓響鼙鼙
纔掛高帆遇便風
吹送神船何處去
直歸三島十洲中

化錢

喫水一口雙手起
海水訣送了就便心存
天地昏黑默念天濛濛
呪雙手五黑訣用
湛遮了乾河漏海壇
壇場更變寂無遺響矣

卷十一

六

入房退病法

先從師帥前炷香
默存自己身神大威大
猛精神雄烈奮怒殺伐風
伯雨師雷公電母狂風驟
雨霹靂交轟前光後暗乾河漏

海雷神帥將先擁後隨呪曰

天猷天猷 猛烈諸侯 上佐北極 下臨九州
身披金甲 手執戈矛 眼如掣電 爪似金鈎
逢妖寸斬 遇鬼擒收 順鬼不斬 逆鬼截頭
上帝勅下 不得停留 急急如律令

喫水一口入房門呪曰

都天大雷公 霹靂震虛空 精兵三十萬
嚴駕此壇中 下鬼為狂暴 威令輒不容

攝赴魁罡下 化為清靜風急急準

元始雷王律令

嚙水一口近病人身呪曰

太陰化生水位之精 虛危上應 龜蛇合形

周行六合 威攝萬靈 無幽不察 無願不成

劫終劫始 剪伐魔精 救護群品 家國安寧

數終末甲 妖氛流行 上帝有勅 吾固降臨

四十一

蕺揚正教 蕩邪辟兵 化育黎庶 叶讚中興

敢有小鬼 欲來現形 吾目一視 五嶽摧傾

急急如律令

嚙水一口使扇左右手搯卯文

退下見患某人身前身後房中內外春行病

神王夏行病神王秋行病神王冬行病神王
時瘟瘴氣廟神土地喪車白虎邪巫枉死先
親復連禿頭和尚矮子陀頭變影生形傳夢
送怪隔茶隔飯為寒為熱一切鬼神攝歸外
道而去

吹炷一口用五黑訣存乾河漏海仍用沈
遮三收皆如此同如發大熱病瀉痢之證
則用此後段

春夏秋冬行病神王黃長脚黃闊口黃老精
黃皇春香普皇室女黃伯嬌男黃伯嬌女黃

限客天中蝗蜚地中蝗蜚幽微黠淡蝗蜚為
寒為熱疼痛蝗蜚是名傷寒頭疼瀉痢之鬼
攝歸外道而去

左手結斗印指定患人眉心一炁急念

北斗九辰 中天大神 上朝金闕 下覆崑崙

調理綱紀 統制乾坤 大魁貪狼 巨門祿存

文曲廉貞 武曲破軍 高上玉皇 紫微帝君

大周天界 細入微塵 何災不滅 何福不臻

元皇正炁 來合我身 天罡所指 晝夜常輪

俗居小人 好道求靈 願見尊儀 永保長生

三台靈精六溥曲生 生我養我護我身形
魁魁魁魁魁魁急急如

太上北斗真君律令勅

默念斗咒關閉一身氣息盡力取斗炁吹
再用大陰陽斗印默念關閉運天罡炁

渭十一

八

唵吽噯唎嚩訶

盡力取炁吹冷取紅炁熱取黑炁

道香一炷十方肅清法鼓三通萬神咸集謹
運真香告召

正一風火靈官馬元帥正一龍虎玄壇趙元

帥地司太歲尊神毅元帥地祇昭武上將溫
元帥朗靈馘魔闕元帥三五鐵面豁落猛吏
靈官王元帥各部雷神雷公電母風伯雨師
雷霆諸司院府官君將吏一切神祇速爲某
人身前身後房中內外驅處邪妖掃除精恠
解釋愆非呪詛奠安土府諸神務要某人見
思即安壽年延永神清氣爽語正言真身有
光明魔無干犯應有一切邪恠不伏勦除仰
煩雷神照依吾呪即便誅殛斷絕施行吾有
神呪謹爲誦持

火帝降惡醜

覃恩出上清

九天排隊仗

五嶽列班迎

萬里風煙息

千山草木平

雲頭過北海

雨脚散南溟

黑煞於中禁

天蓬降禦營

靈官持玉印

太乙捧金晶

左陣騎朱虎

先鋒跨大鯨

電光飛猛火

雷鼓振天廷

號令傳三將

祛除用六丁

素黃齊豁落

童子盡開明

地網周回布

天羅蓋匝并

火輪紅焰起

雨過碧煙生

擺撼乾坤動

飛騰宇宙驚

氣吞蒼海竭

力拔太山崩

虎應庚辛白

龍隨甲乙青

下鬼非強崇 何勞共戰爭 房中令寂靜

萬鬼自逃形急急如

上帝律令勅

嚙水一口

仍煩帥將爲見患某蘇通血脉調治病源終

要所患立安壽年延永謹勅某身中五體真
官五臟六腑三百六十形影一萬二千精光
左三塊右七魄皮膚九竅三百六十骨節經
絡榮衛上至泥丸下至精氣神受吾神之後
形同天地受靈相三萬六千神守真非禍不

侵無障礙七魄安寧神宇清五臟六腑除邪
害五星六曜順照臨神水一喫消萬厄長生
久視得安寧急急如長生大帝律令

喫水一口

出病人房門默存將帥守護患人勦戮邪

恠仍存將鼻眼內迸出萬丈金光雷火道
炁罩遮患人身體屋宇內外合家人眷牴
畜俱已覆護回至患家福神前誦誦仙經
回向

適神啓白福神一切神祇本部雷神官衆和

送瘟司退散病源驅除邪恠勦戮妖魔安舒
士府解釋愆非俾令見患即安家門清吉人
眷和平凡在光中全叨默佑稽首皈依志心
稱念福生無量天尊不可思議功德

十一

十

道法會元卷之二百二十一





